

آبونه اولقی ایستیلر دائره عدلیه ده
اداره مخصوصه سنه مراجعت
ایملیدر

اعلاناتک بهرنیدن بر مجیدیه اخذ
ایدلور

نسخه سی ۴۰ باره در

تذکره محاکمه علی بن

سنه لکی در سعادت ایچون مجیدیه
بکرمی غروش حسابینه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ باره در

هفته ده ایکی دفعه جمعه ايرتسی و چهارشنبه کونلری نشر اولنور . محتویاتی امور عدلیه متعلقدر

توجیهات

مشاهد اولان مساعی مقدمانه و رویکارانه سنه
مبنی سوریه و بیروت ولایتلری عدلیه مفتشی سعادتلو
حمدی افندی حضرتلرینه ترفیعاً رتبه اولی صنف
اولی توجیه بیورلمشدر .

تبلیغات

زراعت بانک سنه مشترک سندله مدیون و برخانه ده مقیم
اولان اشخاصک اسامیسی حاری تنظیم اولنه حق
برقطعه اخبارنامه تک کندولرینه تبلیغیه اکتفا اولنق
لازم کلورکن بنغازی سنجایی بدایت محکمه سی اجراء ائره .
سنجه اشخاص مرقومه یه آرو آرو اخبارنامه تبلیغی
ایجاب ایده چکی بالیان محتاجین زراعتک فضلہ مصرف
اختیاریلہ متضرراوللرینه سیبیت و برلمکده اولدیفندن
تعديل معامله اولنق اوزره محله و صایای مقتضیه
اجراسی حقنده تجارت و نافعہ نظارت جلیله سندن
وقوعبولان اشعار اوزرینه انجمن عدلیه دن اعطا
قلنان مذکرده بوکی اوراق عدلیه تک معاملات
تبلیغیه سنده مابه التطبيق اولان اصول محاکمه حقوقیه
قانونسک امر تبلیغیه متعلق تعریفاتیله احکام
مندرجه سائره سی ایجابجه برخانه ده ساکن اولان
اشخاص متعدده تک دخی هر بری کرک طرق قانونیه یه
مراجعت خصه و صنده و کرک احوال نمائنده حاضر
تائیر اولان تبلیغات واقعه اوزرینه کندو حقوقی
محافظه ده مختار اولوب بونلردن برینک شو یولده
اتخاذ واجرا ایده چکی معاملاتک صفت وکالتی حاضر
اولقسزین دیکرینه حق استفاده بخش ایدمه چکی
جهتله هر شخصه آرو آرو تبلیغات اجراسی مقتضی
بولنش و برخانه ده ساکن اشخاصه تبلیغ اولنه حق
متعدد اخبارنامه لک مجموعی ایچون بر اجرت مباشریه
آلتق طیبی اولسنه نظر آ تذکره مذکورده موضوع
بحث اولان فضلہ مصرف دخی یالکز بو اخبارنامه لره
الصاق اولنه حق اون باره لک بول بدلدن عبارت

اوله رق استکثار اولنور درجه ده کوریلہ مامش اوله .
یغندن محلی اجرا دائره سنک اصول و قانونه موافق
اولان بیاناتی وجهله معامله ایفاسنک بانق مأمورلرینه
اشعاری بولنده نظارت مشارالیه یه عدلیه نظارت
جلیله سندن تذکره جوابیه تسطیری واجرت مباشریه تک
صور محرره دائره سنده استیفاسی لزوم تک دخی محله
تبلیغی افاده قلمشدر .

محاکمه مقبر الیت

طافیل ابراهیمک کیفیت قتلندن دولای جنایتله
اتهام اولنان شریف بن ارسلانک اون بش سنه مدته
کورکه قونلسنه دائر ارکری سنجایی بدایت محکمه سی
جزا دائره سندن اعطا قلنان ۱۸۷ نومرو لی اعلام
یکی بازارلی آدم بن مصطفانک ماده جرچندن
دولای جنایتله اتهام اولنان احمد بن امراللهک اوج سنه
مدته کورکه قونلسنه دائر پرشته سنجایی بدایت
محکمه سی جزا دائره سندن اعطا قلنان ۳۰۱ نومرو لی
اعلام

یشاری قتل قصدیلہ جرح ایلدیکی ادعا اولنسندن
دولای جنایتله اتهام اولنان ویسل بن شعبانک اوج
سنه مدته کورکه قونلسنه دائر پرشته سنجایی بدایت
محکمه سی جزا دائره سندن اعطا قلنان ۲۲۸ نومرو لی
اعلام

حسین چاوشک آغیلنی باصه رق مرقومی قیدوبند
واغنامنی سرقت ایلدکری ادعا اولنسنندن دولای
جنایتله اتهام اولنان مصطفی بن ابراهیم و شکری
بن مصطفانک اوجر سنه مدته کورکه قونلرینه
دائر توقاد سنجایی بدایت محکمه سی جزا دائره سندن
ویریلان ۳۰۱ نومرو لی اعلام

صوا اوغلی پاولی جرح و قتل ایلدیکی ادعا
اولنسنندن دولای جنایتله اتهام اولنان علی بن عزیز
مومنک اون بش سنه مدته کورکه قونلسنه دائر چوروم

سنجایی بدایت محکمه سی جزا دائره سندن ویریلان
۳۰ نومرو لی اعلام

طوبال فاطمه یی تلف ایدره تک نهره القا ایلدیکی
ادعا اولنسنندن دولای جنایتله اتهام اولنان عیسی
بن زین الدینک اون بش سنه مدته کورکه قونلسنه دائر
اطنه ولایتی استیناف محکمه سی جزا دائره سندن
اعطا قلنان ۵۶ نومرو لی اعلام

حاجی صفر اوغلی ملا راشدی قتل ایلدیکی ادعا
اولنسنندن دولای جنایتله اتهام اولنان طوفان بن
عبدالرزاقک اون بش سنه مدته کورکه قونلسنه دائر
چوروم سنجایی بدایت محکمه سی جزا دائره سندن
اعطا قلنان ۱۰۶ نومرو لی اعلام

قوندوق تور دیمو بتوسک کلبه سی سوکدرک نقد
واشیانی سرقت ایلدیکی ادعا اولنسنندن دولای جنایتله
اتهام اولنان چاقر حسن اوغلی اسماعیلک اوج بحق
سنه مدته کورکه قونلسنه دائر سینوب سنجایی بدایت
محکمه سی جزا دائره سندن اعطا قلنان ۴۰۵ و مرو لی
اعلام

قنبر اوغلی طوران و رفقاسنک انشای راهده
معامله جبر و شدت استعمالیلہ حیوانلرینی غصب
ایلدکری ادعا اولنسنندن دولای جنایتله اتهام اولنان
احمد بن موسی و رفیق محمدک اوجر سنه مدته لره
کورکه قونلرینه دائر جبل برکت سنجایی بدایت
محکمه سی جزا دائره سندن اعطا قلنان ۱۲۴ نومرو لی
اعلام محکمه تمیز جزا دائره سنجیه تصدیق قلمشدره

۴۴۰ نومرو لی نسخه ده مندرج در سعادت

جنایت محکمه سی اعلام تک بقیه سی :

اظهار حق شاهی خرسونک جلبنامه سی
زیرنده محرر شرحدن مرقومک توقیفخانه ده
بولندینی بیسلدیرلمش ایسه ده توقیفخانه ده بونامده
برکسنه بولندینی اشعار قلمش و طرفینک توسیع تحقیقاته
متعلق طلبلری اولمدینی عندالاستیضاح ا کلا شلمش
اولغله تحقیقاتک بوندن عبارت ایدوکی بیان اولندقدده

معاون موسی الیه منتهی بانی خرسستونی قتل قصدیه جرح ایلدیک طیب راپوری وشهودک اخباراتی الیه تحقیق ایشدیکندن مجرمیتی طلب وادعا ووکیل فاختارادی افندی دخی موکلی یانیک کندوسنی حایه ورفاقت ایدن ارقداشی قتل قصدیه جرح الیسی عقلاً مستبعد بولنش و مرقومان خرسستو و ماقس اولاموکلنک مانی سرت و صکرده حیاتهده تعرض وخیانت ایتسندن ناشی کندوسنی محافظه ایش ایدوکندن و محل وقعه نیک جاده بولنسی و مجروحک دیگر بر رفیق دخی بولنسی حسیله هیچ بروقتده قتل قصدیه جرح ایدیه مه چکندن بالبحث برائتی استدعا ایلرله محاکمه نیک ختامی بالا فهم مذاکره اوپه سته کیدلدی .

ایجابی لدی المذاکره مدعی شخصی صفتده بولنوب یوم محاکمه وود ایتامسه و معاینه قطعیه راپورینک استحصا ایدیه مامسه منی جانب ریاستدن اظهار حقعه مدار اولقی اوزره جایی تنسب قلنمش اولان مجروح خرسستونک جرحه لری التیام پذیر اولدینی حقته راپور اولامسی و بوحالک نوع جرمه قلعی بولنسی ایدلن مرقومک بالبحری بولدریلوب مذکور قطعی راپورک التمی ضمنتده تحقیق نیک یوم اخره تعلیقده قرار اویرله رک محاکمه اوپه سته عودتله طرفیه کلادلدی .

یوم محاکمه اولان تموزک یکرمی بشنجی کونی منتهی بانی توقیفخانه دن کتوردیلرک وکیل و معاون موسی الیه حاضر اولدقلری حالده اکیال محاکمه بالابتدار هیئجه قسماً تبدل وقوعنه منی ضوابط سابقه قرائت و طرفیندن مندرجاتنیک تصدیقته مبادرت ایدلدی .

مجروح خرسستونک صولک معاینه سته دائر استحصا اولنسان راپور اوقوتدیرلدقده مالی ذکر اولنسان آفت جرحه لری کندوسنی التی آی ایشندن معطل ایدرک مدت مذکورده طرفنده بیک سکر بوز غروش اجرت تدای الیه التیام ایش ایسه ده صول التک ایهام یارمقندن ماعدا سبابه ووسطی بارمقلرنیک حرح کانی کاملاً و بنصر وخصر یارمقلرنیک قسماً معطل و سقط قالدقلری کورلش وشو حال صول راضه الیدی اوانار و عظام مشیطه سنک قسماً مکسور اولمسندن ایلر وکلیش و جرحه لری نتیجه سی حصوله کلان مار الذکر احوالک بوندن بویه باقی قاله جنی اکلشلمش اولدیفندن عبارت کورنمشدر .

مجروح خرسستو اخیراً بولدریلوب معاینه سی اکیال ایتدیرلش ایسه ده ینه محکمه یه کلدیکندن وباستجه مرقومک استاعتدن فراغت ایدلدی .

آرتق تحقیقانه دائر جهت قالمشله و طرفینک دخی برکونه طلبری اولدینی اکلشلمشله معاون موسی الیه الیه مدافعه وکیل ادعا ومدافعه سابقه لری تکرر ایدر اولدقلری و منتهی بانی دخی بر دیه جکی اولدیفنی سولرله تکرار اختتام محاکمه علناً بالاخطار مذاکره اوپه سته کیدلدی .

بر منوال مجروح طرفینک ادعا و مدافعاتی استماع و اوراق موجوده مطالعه و تدقیق اولنهرق مندرجاتنه کسب اطلاع اولندقدن صکره ایجابی مذاکره اولندقدن بوباید مع القسم استماع ایدیلان شاهدلردن ایلانک منتهی بانیک مجروح خرسستونی بره یاتوروب بحاقله جرح ایتدیکنی مشاهده ایتدیکنی و مرقوم یانیک النده بحاق اولدینی حالده دردست اولدیفنی و کوفه جی بنسبونک دخی برکون قهوه خانه ده اوپوردینی صره ده « جان قورتاران یوقی » دیو ایشدیک فریاد اوزرینه باقدیفنده بر شخصک برده یاتقده والنده بحاق بولنان دیگر بر شخصک دخی مرقومک اوزرنده بولنقدده و اوچنجی بر شخصک ده مرقومانی تفرقه چالیشمقده بولندیفنی والنده بحاق اولان شخصک بالاخره فراده باشلادیفنی کوردیکنی و اورطونک دخی ایشدیک فریاد اوزرینه باقدیفنده بری آلتده و دیگر اوستده بولنان ایکی شخصک منازعه ایتمکه اولدقلری و اوستده بولنان شخصک بیجاغی چکمش و آلتده کی شخصک اللریله بیجاغه صارلش والری کیلش اولد یغنی و اوچنجی بر شخصک ده بحاق چکن شخصک آلتده بولنان آدمی اورامسی ایچون قوللردن طومش اولدینی ایدلن طونک دیو واقع اولان فریادلردن ناشی اوستده بولنان شخصک النده بحاق اولدینی حالده قادیغنی و فرایادن شخصک بالاخره دردست ایدلدیکنی علی الافراد اخبار و ایراد ایتسه و مجروح خرسستونک جرحه لری نتیجه سی اولهرق سبابه ووسطی بارمقلرنیک حرکاتی کاملاً و بنصر وخصر یارمقلرنیک قسماً معطل قالدیلک راپورده کورنمشندن نفسی مدافعه ایچون التی قارشو طو تمسندن و بیجاغه صارلشندن نشلت ایتدیک اکلشلمسه و مدافعاته کنبجه مدعی شخصی خرسستونک منتهی بانی یه ده تعرضده بولندیفنی یعنی جرح ایشاع ایلدیک حقته بر اماره یه دسترس اولنمه مدیفنی ککی محل وقعه نیک جاده اولدینی حقته کی مدافعاتی دخی قتل قصدی ازاله ایده مامسه و چونکه منتهی جرحه دوام ایتمکه اولدینی حالده استمداد واقمک فرارینه باعث ووفرارندن قتله حائل معنوی حادث اولش و منتهی خفیف اولان جرحسده مجروحک دخی فرض اولسه بیه مجروحی التسه آلدینی تقدیرده

مدافعه و مقابله محل قالمشله و طرفینک بولنش اولسه و سرت مسئله سی منتهی قتل مجردده قالمسه وشاهدلرک شهادتلی اقاذاست تقابله لریه موافق اولدیفندن بینه منتهی بانیک کوریه مامسه و یکدیگری تحکیم و کندوسنکه تاویلانی اسباب نبویه نی تمیم ایتسه منی منتهی تاویلانی و وکیلک کافه مدافعاتی التفاهه شایان کوریه مدیکندن منتهی بانیک اوچوز یکرمی سنه سی تشرین اولنک بشنجی صالی کونی بلاط جوارنده مرقوم خرسستونی قتل قصدیه جرح ایلدیک حالده بد اختیارنده اولیان اسباب مانعه حیولتیه ماده قلی فعله چیقارده مدیفنی تحقیق ایتمکه اولوجهل مجرمیتیه وجاهاً و متفقاً قرار ویرله رک محاکمه اوپه سته عودتله قرار مذکور علناً قرائت و بیان اولندقدن معاون موسی الیه مجرم یانیک قانون جزانک بوزسکانتجی ماده سته توفیقاً تعین جزاسنی طلب وادعا ومدافعه وکیل دخی مؤکلنک تخفیف جزاسنی استدعا و مجرمده بر دیه جکی اولدیفنی انبا ایتلرله بوباید محاکمه نیک دخی ختام بولدینی بالا فهم تکرار مذاکره اوپه سته کیدلدی .

جهت جزایسه حقته دخی مذاکره کیفیت اولندقدن مجرم یانیک حرکاتی قانون هابون جزانک بوزسکانتجی ماده سته موافق و ماده مذکورده : (اگر جرح و ضرب فعلی ذاتاً قتل قصدیه اولیده جارح و ضارب بد اختیارنده اولیان اسباب مانعه حیولتیه ماده قتل فعله چیقارش ایدوکی تین ایلر ایسه یاره و بره سی کرک اغیر اولسون و کرک خفیف اولسون موادنکه سابقده بیان اولندیفنی وجهله جرح و ضربک درجه سته کوره حکم اولنهرق دیت یاخود مقدار معلوم مبلغ الیه مصارف جراحی سی استفا اولندقدن صکره جارح و ضارب اولان کیسه هر حالده موقتاً کورکه قونیلور) عبارته سی ناطق اولدیفندن بوماده حکمنه توفیقاً وابتدای توقیف اولان اوچوز یکرمی ایکی سنه سی شعبانک یکرمنجی کوندن اعتباراً تعطل عضو حقته سبب شدت طویله رق اوج بیق سنه مدته کورکه قونلسنه واعلام وضبط واستطاق خرچلری اولان جمعا بوز التمش غروشک دخی کندوسندن بالتحصیل عدلیه و نه سته تسلیم ایتدیرلسه اوچوز یکرمی بر سنه سی تموزیک یکرمی بشنجی کونی متفقاً قرار ویرله رک اصول تفهیمی ایضا قلندی .

حسنی افندیسنک محمدی ضرب ایلدیک ثابت اولدیفندن برلیرا التهرق مضروب اعطاسنه خیرالینک محمد اغانی ضرب و جرح ایلدیک ثابت اولدیفندن بر آری حبسنه قهرمانک قومیسر ابراهیم افندی یه اجرای مأموریت حالنده حشرات و تشهر سلاحه جرأت ایلدیک ثابت اولدیفندن التی ماه حبسنه قیو اغاسنده ساکن عثمان بیک عبده جوجغک خطاه مجروحته سیبت ویردیک ثابت اولدیفندن سکان غروش مصارف جراحی سنک تحصیلنه توتون قاچردینی ثابت اولان عثمانن ایکیوز قرق غروش جزای نقدی آلتسه قاضی کوبنده ساکن یورکینک توتون قاچردینی ثابت اولدیفندن یوز غروش جزای نقدی آلتسه

امینک عمر اغایه اطاله لسان ایلدیک ثابت اولدیفندن یارم لیرا جزای نقدی آلتسه نظیفک احمد کامل بکه اطاله لسان ایلدیک ثابت اولدیفندن یارم لیرا جزای نقدی آلتسه

یکدیگری ضرب ایتدیکری ثابت اولان بریق کای بیجهت افندی الیه قاسم باشالی یاقونک اوزر کون مدتلره حبسلینه

یوصیف الیه آورامی ضرب ایدن قوری چشمه ده ساکن ایساک اون کون حبسنه

شرنجی محمدک روسیه دولتی تبعه سندن اولتجی مارقوبه اخافه صورتیه تشهر سلاح ایلدیک ثابت اولدیفندن اون کون حبسنه

پولیس قومیسری محمد علی ورفقاسنی اجرای وظیفه حالنده حشرات و ضرب ایلدیک اصولاً ثابت اولان قله قوبنده ساکن میشلک بدی آری حبسنه اولتجی آرتیق ضرب ایدن غلطه ده طوغری یوله ساکن مامیردن بر لیرا التهرق مضروب اعطاسنه

حریقلیانی ضرب ایدن قسطنیک برهفته حبسنه حق افندی یه اطاله لسان ایدن لغتیرانک اون بش کون حبسنه

سر سربلیکی ثابت اولان رجیک بر آری حبسنه و ضابطه جه تنسب اولنهرق محله طرد و تبعیدیه پولیس مأموری کاظم افندیکن اجرای وظیفه حالنده محمدی ضرب ایلدیک ثابت اولدیفندن برهفته حبسنه

یوان دولتی تبعه سندن میچونک جوانی بی بحاقله جرح ایلدیک ثابت اولدیفندن اوج آری حبسنه یوانه اطاله لسان ایدن خاصکوبلی فوطیدن یارم لیرا جزای نقدی اخذیه

طروسه تشهر سلاح ایدن مغردیچک اون کون حبسنه المانی دولتی تبعه سندن ایزدورک محله اره سنده سلاح انداخت و اجرای وظیفه حالنده پولیس مصطفی و عثمان افندیله تشهر سلاح ایلدیک ثابت اولدیفندن آلی آری اون کون حبسنه

قومیسر سید افندی یه حشرات ایدن پولیس علی افندیکن ایکی لیرا جزای نقدی آلتسه فولیک ضرب ایدن اورت کوبده ساکن ویده دن برلیرا التهرق فولیک اعطاسنه

آورامه اطاله لسان ایدن خاصکوبلی مامیردن یارم لیرا جزای نقدی آلتسه

بنطوفه اطاله لسان ایدن میشوندن برلیرا جزای نقدی آلتسه سعاد خانی ضرب ایدن حفیظه خانمندن اوج لیرا التهرق مضروب یه اعطاسنه

پولیس ساهی افندی یه اجرای مأموریت حالنده حشرات ایدن خاصکوبلی یوده دن برلیرا جزای نقدی آلتسه

عوادیسک ارمناقه اطاله لسان ایلدیک ثابت اولدیفندن بر لیرا جزای نقدی آلتسه مارقونی جرح ایدن بشکطاشی دولکر دیمتیردن ایکی لیرا التهرق مجروحه اعطاسنه

یکدیگری ضرب ایدن بغوص الیه غریبک برر هفته حبسلینه

فاطمه یی ضرب ایدن محمدن بر لیرا التهرق من یوره یه اعطاسنه

دیرانه اطاله لسان ایدن صاری یاری یورکیدن برلیرا جزای نقدی آلتسه

علی بن اساعلی ضرب ایدن خاصکوبده قاضی علی بن صالحدن برلیرا التهرق مضروب اعطاسنه

واسیلک محموده اطاله لسان ایلدیک ثابت اولد یغندن یارم لیرا جزای نقدی آلتسه اریقونی ضرب و جرح ایدن قالیونجی قوللغنده قهوه جی یورکیدن ایکی لیرا التهرق مضروب اعطاسنه درسمادت ، بک اوغلی و اسکدار بدایت محکمه لری جزا دائره لرجه قرار ویرلشدر .

مجازات لایقانی

حیانه قضای بدایت محکمه سی اعضاسندن اولوب مستطقلک وظیفه سی ایضا ایدن مصطفی و مستطق معاون سابق عبدالباقی افندیلرک مواد مینه ده وظیفه مأموریتلری سوء استعمال ایلدیکری اقبره ولایتی

استیفاف محکمه سی مدعی عمومیلکندن وارد اولان اوراق تحقیقه مندرجاتندن اکلشلمسی اوزرینه موسی الیه مانک محاکمه الته التهرقنه عدلیه نظارت جلیله سندن مأذونیت اعطا یوریلهرق محله تبلیغات لازمه ایفا قلنمشدر .

اعلانات

ارضروم استیفاف مدعی عمومیلکمنه : پلور قضا سنک قره کول قریه سندن محمد اوغلی طورسون و محمد اوغلی حسین و حسن اوغلی یوسفک اغنامنک غصبی ماده سندن طولانی مظنون بولنانلردن کردیک قریه لی چانصونک اوغلی موسی خلیل و قوغو نک اوغلی زینل و کورک قریه لی ایساش و اشکرک قریه لی قیون اوغلیک ارزنجان سنجانجی بدایت محکمه سی جزا دائره سنده محاکمه لری اجرا قلنق اوزره جنایتله اتهاملریه قرار ویرلش و کندولرنیک حال فرارده بولندقلری اولباده کی اوراق تحقیقه مفادندن آکلشلمش اولغله مرقومونک هر زده کوریلورلر ایسه دردستلریه محکمه مذکورده توقیفخانه سته تسلیملریه بالجله ضابطه عدلیه مأمورلرنیک مجبور و مکلف بولندقلری مشعر اخذ و گرفت مذکره سی ارضروم هیئت اتهامیه سندن بالتظلم اعطا قلندی .

پاسنلر قضای اهلایسندن حسینک کوزینک سقط ایدلسندن طولانی مظنون علیه بولنان مولود اوغلی رجیک ارضروم ولایتی استیفاف محکمه سی جزا دائره سنده محاکمه سی اجرا قلنق اوزره جنایتله اتهامنه قرار ویرلش و کندوسنک حال فرارده بولندیفنی اوراق تحقیقه مفادندن منقهم اولش اولغله مرقومک هر زده کوریلورلر ایسه دردستله محکمه مذکورده توقیفخانه سته تسلیمه بالجله ضابطه عدلیه مأمورلرنیک مجبور و مکلف بولنش اولدقلری مشعر اشبو اخذ و گرفت مذکره سی ارضروم هیئت اتهامیه سندن بالتظلم اعطا قلندی .

الشکرد قضا سنک یکمال قریه لی درویش اغانک اوغلی عیدونک قتلدن طولانی مظنون بولنانلردن قریه من یورم لال حسین و سلیمان اوغلی ثابت و محمدک یازید سنجانجی بدایت محکمه سی جزا دائره سنده محاکمه لری اجرا قلنق اوزره جنایتله اتهاملریه قرار ویرلش و کندولرنیک وادی فرارده بولندقلری اوراق تحقیقه مفادندن اکلشلمش اولغله مرقومونک هر زده کوریلورلر ایسه دردستلریه محکمه مذکورده

توقيفخانه سینه تسلیماریه بالجمله ضابطه عدليه مأمور-
لرینک مجبور و مکلف بولندقلری مشعر اشبو اخذ
و گرفت مذکوره سی ارضروم هیئت اتهمیه سندن
بالتنظیم اعطا قلندی .

تلیس استیناف مدعی عمومیلکندمه :

چقور ناحیه سنک برتوک قریه سی ساکنه لرندن لالی
بنت حسو وجواهر بنت محونک قتل قصیده جرح
ایدلکری اداسیله متهماً حال فراده بولنان قریه
مزبورده لی مزبور نانک زوجی اوزون بویلی الاکوزلی
قرال قاش وطوب برونلی بغدای بکزی عاذتا آخر
وچکلی اوتوز بش یاشنده فقیه سلیمان بن رشیدک
شمدی به قدر اثبات وجود ایتامی حسیله اصول
محاکات جزایه قانوننک اوچوزیتش برنجی ماده سی
حکمه توفیقاً و تاریخ اعلاندن اعتباراً جانب ریاستدن
مرقومه مجدداً اون کون مهل ویرلش اولغله مدت
مذکوره ظرفده دخی محکمه به کلدیکی تقدیرده
قانونه اطاعت ایتامش نظریله باقیله رق محاکمه غیایه سی
بالاجرا حقوق مدینه دن اسقاطیله مال و ملک عجز
وعلیهنده دعوا به قیام اولنه جنی منللو مرقومک
بولندینی محلی بیلدر خبر ویرمه و بالجمله ضابطه عدليه
مأمور لرینک مرقومی اخذ و گرفت ایتمه مجبور
اوله رق حقنده اخذ و گرفت امریده ویرلش اولدینی
بیانیله اعلان کیفیت اولنور .

نجات بحریه محکمه سنده :

درسمادته نافع خاندنه ساکن ایکن تجارت
بحریه محکمه سندن افلاسنه حکم اولنش اولان
وینلرنده حصه دارلق وجهله بر شرکت خصوصیه
تجاریه بولنان احمد و محمود و اسماعیل افندیلر ذمتده
اله جفی اثبات و یاموقتاً قبول و قید ایتدیرمش اولان
اله جقورلرک قانوننامه تجارتک ۲۱۱ نجی و آتی ولی
ایدن ماده سی موجبجه مفلس طرفندن تکلیف
اولنه جق قونقورداتونک مذاکره سی ایچون [۱۹
کانون نانی سنه ۳۲۱] تاریخنه مصادف پنجشنبه کونی
محکمه مذکوره نک مصالح افلاسیه رؤیتنه مخصوص
اوطه سنه کللری اعلان اولنور .

ایکنجی نجات محکمه سنده :

درسمادته اصمه آتنده ۵۶ نومرولو دکانده
لقوچی ایستوطلی خرسو دولونک ۹ کانون نانی سنه
۳۲۱ تاریخسندن اعتباراً اعلان افلاسنه و مصالح
افلاسیه نک رؤیت و تسویه سی ضمتنده اعضای محکمه دن
عزتلو صادق بکک ژور قومیسر و دعوی وکیللرندن

خیری بک و قسطاکی مالینبولو افندینک موقت سندیک
تعیینلرینه و مغازه سیله اشیای زائده بیتیه سنک تمهیرینه
واوراق و دفاترینک جلبنه و کفالت ارانه ایده مدیکی
حالده حبسنه و بوبابده کی قرارک موقتاً اجراسنه
ایکنجی تجارت محکمه سندن قرار ویرلش اولدیفندن
قانوننامه تجارتک ۱۷۰ نجی ماده سی موجبجه دائمی
سندیکلر انتخاب اولنلق اوزره شهر حالک یکریمی
سکزنجی جمعه ایرتسی کونی ساعت الی راده لرنده
اصحاب مطلوبک محکمه مذکوره نک مصالح افلاسیه
رؤیتنه مخصوص اوطه سنه کللری اعلان اولنور .

اطنه ولایتی مرکز تجارت محکمه سنده :

اطنه نک طرسوس قوسی جوارنده مانیفاطوره
تجارتیه مشغول ایکن اطنه تجارت محکمه سندن افلاسنه
حکم ایدلش اولان روین طوریکیان ذمتده اله جفی
اثبات یا موقتاً قبول و قید ایتدیرمش اولان اله جقور-
لرک قانوننامه تجارتک ۲۱۱ نجی و آتی ولی ایدن
ماده سی موجبجه مفلس طرفندن تکلیف اولنه جق
قونقورداتو مذاکره سی ایچون اوچوزیکریمی برسنه
سی کانون نانیسنک اون التجی بازار ایرتسی کونی
محکمه مذکوره نک مصالح افلاسیه رؤیتنه مخصوص
اوطه سنه کللری اعلان اولنور .

محکمه تجارت امرای دانه سنده :

اللی اغلاییا قادینک ایران دولتی تبعه سندن
قومیسونجی نیقولای ذمتده با اعلام تجارت محکوم به
اولان الاجفنگ تسویه سیچون قاضی قریه سنده جعفر
اذا محله سنده دیوار دی زقاغنده طقوز اوطه و اوچ
سالون و بر مطبخ و چاشورلق و صهرنج و قیووسکسان
ذراع عتیق مقداری باغچه و مشتملات سائرینه حاوی
وسنوی التمش لیرا ایجاره متحمل بر نومرو ایله
مرقم بر باب خانه ده مدیون مرقومک متصرف اولدینی
ثلث حصه شایعه سی تاریخ اعلاندن اعتباراً اون بش
کون صکره موقع مزایده به قونیه جفندن اشتراسنه
طالب اولانلرک ودها زیاده معلومات آلق استیانتلرک
محکمه تجارت اجرا دائره سنه مراجعت ایللری اعلان
اولنور .

امریقا دولتی تبعه سندن « د » استوارت دوجک
مادام هرانوش صرایداریان ذمتده برنجی محکمه
تجارت اعلامیه محکوم به اولان آلاجفنگ تسویه سی
ایچون غلطه ده بایزید محله سنده قلنچ علی باشا جاده سنده
شهری آلتش غروش ایجار کتورر یوز سکسان
طقوز نومرولی کرچخانه و شهری اوچوز آلتش

غروش ایجار کتورر سکز اوطه و بر مطبخ و قیو
و صهرنج و مشتملات سائرینه حاوی یوز طقسان بر
نومرولی بر باب خانه و شهری اوچوز غروش ایجار
کتورر یوز طقسان اوچ نومرولی بر باب قهوه خانه
ایله مشتملا سندن بولنان یکریمی بش رأس حیوان
استیعابه کافی آخور تمامنده مدیونه مزبورده نک متصرفه
اولدینی ثلث حصه سیله مذکور کرچخانه مربوطاتندن
اولوب داوود باشا محراسنده خزینه دار چفتلیکی
درونده کائن آتی عدد فرون و اوطه لر کدکرینک
قرق سکز سهم اعتباریه بر سهم حصه سنک کذلک
ثلث حصه سی تاریخ اعلاندن اعتباراً اون بش کون
صکره موقع مزایده به قونیه جفندن اشتراسنه طالب
اولنلرک ودها زیاده معلومات آلق استیانتلرک محکمه
تجارت اجرا دائره سنه مراجعت ایللری اعلان اولنور .

درسمادات اعمومات نظامیه اجرا دائره سنده :

ابراهیم لطفی بک ایله سامیه خانمک عایشه منیره
خانم ذمتده اله جقوری اولان مبالغه مقابل مرهون
و فروختی محکوم اولوب یکدیگره مقلوب مجموعی تخمیناً
سکسان ارشون عرصه اوزرینه منی فوقنده براوطه
و آرق جهتده بر بودرومی حاوی الاجه حمام جواد
رنده چلبی اوغلی علاه الدین محله سنده باقرجیلر
جاده سنده اوتوز و اوتوز ایکی نومرولرله مرقم ایکی
باب مغازه و صابونجی خانی جاده سنده طقسان اوچ
نومرولی بر باب دکان و درونلرنده مستقر مقیمده
بویاجی الیوم مغازه کدکی ایله مغازه و دکاندن قوللا-
نیلور کدکن عاری معین مذکور اوطه محله نک
ربع عشر حصه لرینک تاریخ اعلاندن اعتباراً اون بش کون
صکره بالمزایده فروخته تشبث اولنه جفی درسمادات
اعلامات نظامیه اجرا دائره سندن اعلان اولنور .

صراف لازاراکینک محمد راغب بکله فاطمه
شاهنده خانم ذمتلرنده با اعلام نظامی الاجفی اولان
مبالغت تأمین استیفاسی ایچون مدعی علیهمانک مالی
اولوب مرهون و فروختی محکوم بولنان بر عدد الماس
ایکته نک تاریخ اعلاندن اعتباراً اوچ کون صکره یعنی
کانون نانیسنک اون التجی بازار ایرتسی کونی ساعت
اللی راده لرنده چارشوی کیرده قیو جیلر ایچنده
بالمزایده فروخت ایدیه جکندن طالب اولنلرک
یوم و ساعت مذکوره حاضر بولنلری درسمادات
اعلامات نظامیه اجرا دائره سندن اعلان اولنور .